

摘藻堂四庫全書薈要

史部

欽定四庫全書薈要

史部

御批通鑑綱目卷十下

詳校官編修臣汪鏞

欽定四庫全書薈要卷七千三百十九

史部

御批資治通鑑綱目卷十下

丁未 孝安皇帝永初元年春二月司徒鮪卒○三月日食

夏四月封鄧騭及弟悝弘閭皆為列侯騭辭不受考

異此封字下亦漏舅字

自和帝之喪鄧騭兄弟常居禁中騭不欲久在內連求還第太后許之至是辭讓不獲逃避使者上疏自陳至於五六乃許之

書法

書不受何嘉讓也書不受始此終綱目書不受十九書不拜三外戚能讓者騭而已不受

有三有誠讓者有偽讓者有不滿者是年鄧鵠建
光元年薛包靈帝建寧元年陳蕃光和二年呂強
獻帝初平二年劉虞後主延熙十一年徐邈十二
年司馬懿晉孝武帝太元八年謝玄宋癸亥年蔡
廓戊寅年雷次宗陳庚辰年王晞唐玄宗開元六
年盧鴻代宗廣德二年郭子儀穆宗長慶四年劉
栖楚五代丙申年周瓌皆誠讓者也獻帝建安十
五年曹操後主景耀元年司馬昭晉安帝義熙六
年以後劉裕皆偽讓者也唐僖宗乾符三年王仙
芝昭宣帝初朱全忠戊戌年閏主昶皆不滿者也

五月以魯恭為司徒

恭奏舊制立秋乃行薄刑自永元以來改用孟夏上
逆時氣下傷農業案月令孟夏斷薄刑者謂輕罪已
上不欲久繫故特斷之也孟夏之制可從此令其決
獄案考皆以立秋為斷章帝定令斷獄皆以冬至之

前而小吏八十一月得死罪賊不問曲直便即格殺雖有疑罪不復讞正可令大辟之科盡冬月乃斷從之
集覽
斷獄皆以冬至之前章帝詔曰律十二月立春不以報囚月令冬至之後有順陽助生之文而無鞠獄斷刑之政王者生殺宜順時氣其定律母以十一月十二月報囚注報猶論也讞正讞魚列反說文正獄議罪曰讞記文王世子公族無官刑獄成有司讞于公注讞之言白也

六月罷西域都護及伊吾盧柳中屯田集覽

伊吾盧注見明帝永

平十五年柳中明帝永平十七年以關

質實

柳中縣名注見齊明

帝建武四年高昌國

西域都護段禧等保龜茲道路隔塞檄書不通公卿議者以為西域阻遠數有背叛吏士屯田其費無已

於是
罷之

書法

伊吾盧於
是四書矣

諸羌復叛

諸降羌布在郡縣皆為吏民豪右所徭役積以愁怨
及罷都護發羌數千騎迎之羣羌散叛諸郡發兵邀
遮或覆其廬落於是諸種犇潰大為寇掠遂斷隴道
然歸附既久無復器甲或持竹竿木枝或負板案以
為楯或執銅鏡以象兵郡集覽楯與盾同食尹反兵
縣畏懦不能制乃赦其罪器所以扞目蔽身

秋九月以寇賊雨水策免太尉防司空勤

三公以災異免自此始仲長統曰光武愷數世之失
權忿彊臣之竊命矯枉過直政不任下雖置三公事

歸臺閣自此以來三公之職備員而已至於中世權
移外戚寵被近習用其私人殘擾百姓使四裔乖叛
怨氣並作陰陽失和三光虧缺怪異數至水旱為災
而反以策讓三公至於死免豈不冤哉又中世之選
三公也務於清慤謹慎循常習故者是乃婦女之檢
押鄉曲之常人耳惡足以居斯位耶昔文帝愛鄧通
而猶展申屠嘉之志至如近世外戚宦豎請託不行
立能陷人於不測之禍惡可得而彈正者哉光武奪
三公之重至今而加甚不假后黨以權數世而不行
蓋親疎之勢異也人主誠專委三公分任責成而在
位病民百姓不安天地多
集覽 仲長統仲長複姓統
變然後可以分此罪矣 名也用其私人詩大
東篇私人之子百僚是試註私人私家人也是試用
於百官也箋云此言周衰羣小得志策讓策王言也
讓責也檢押猶言防範也章懷曰檢押猶規模
也揚雄傳蠢迪檢押顏師古曰檢押謂縶括也 質實

仲長統
高平人

書法

特筆也書策免多矣未有書所以者書以寇

賊雨水譏也以大臣當天變於翟方進見之

然猶諱之也自徐防尹勤始而漢世以為故常矣

直書以寇賊雨水策免深譏之三公經邦燮理職

也書以寇賊雨水非咎之歟果咎防勤則書某某

以寇賊雨水策免矣凡書策免某某皆無罪者也

發明

東漢自中世以來寇賊災異輒策免三公夫

鎮撫中外燮理陰陽固三公職也豈知是時

戚宦用事乃悉歸罪三公可乎然為三公者職思

其憂苟不得以行其志盍亦不待譴逐引身而去

可乎冒居其位諉曰權非已出誰實尸之故東漢

諸賢病在去之不早綱目直書以寇賊雨水策免

雖欲盡辭
其責可乎

詔減黃門鼓吹及廐馬半食○冬十一月司空周章自

殺考異

按延平元年司空寵卒即書以尹勤為司空此上書策免司空勤不書以周章為司空闕漏也

鄭衆蔡倫等皆秉執豫政周章數進直言太后不能用初太后以平原王勝有痼疾而貪瑒帝孩抱養為已子故立焉及瑒帝崩羣臣以勝疾非痼意咸歸之太后恐勝終怨乃迎帝而立之周章以衆心不附密謀誅隲兄弟及衆倫等廢太后及帝而立勝事覺自殺

質實

周章南陽隨人

書法

於是周章謀立平原王勝則曷為不以謀逆書勝長子也疾又非痼衆心歸之清河之立

太后之私也章位三公與其他謀廢立者固異矣故不書謀逆書謀逆則疑於上官桀然則予之歟果予之則不書自殺矣后無大過隲又近賢章不量時而出此計以為其死也自取之而已矣故不

書謀逆以戒太后之自私
書自殺以譏大臣之不審

發明

章既有密謀事覺而死胡不正其罪名蓋是時太后戀權羣情忿鬱平原親和帝之子捨

而不立故章欲追正其失綱目所以無罪可書耳
然章劾忠帝室亦無褒詞何也清河王慶故肅宗
元子無故見廢今以其子紹統殆亦天意況太后
制朝羣從分布無有顯顯過失章不度德量力輕
舉妄動則足以殺其軀而已書司
空周章自殺固非他人殺之也

十二月詔鄧騭及校尉任尚將兵屯漢陽以備羌質實

漢陽郡名注見
靈帝建寧二年

○地震大水大風雨雹

是歲郡國十八地震四
十一大水二十八風雹

戊申二年春正月鄧騭擊鍾羌大敗○以公田賦與貧民

遣使稟貸冀充流民質實

冀州名注見秦二世二年信都兖州名注見獻帝興平二年

年

御史中丞樊準上疏請減無事之物省官吏作者被災之郡百姓凋殘恐非賑給所能勝贍可遣使持節慰安尤困乏者徙置荆揚諸郡太后從之悉以公田賦與貧民即擢準為光祿大夫使冀州遣議郎呂倉使兖州稟貸流民咸得蘇息

集覽

勝贍勝音升贍時豔反勝贍足可贍贍也稟貸稟筆錦反說文

賜穀也貸士戴反施也漢西域傳須諸國稟食顏師古曰稟給也讀曰廩

書法

以地震大水風電故也終綱目書大水六十雨水十五而書處恤者七太后居其二焉

可謂
賢矣

夏旱五月太后親錄囚徒

皇太后幸洛陽寺及若盧獄錄囚徒洛陽有囚實不
殺人而被考自誣羸困與見畏吏不敢言將去舉頭
若欲自訴太后呼還問狀具得枉實
即收令抵罪行未還宮澍雨大降
寺叔令抵罪令洛陽令也
抵罪注見漢王邦元年

書法

書親錄囚徒何嘉恤旱也然則以母后與政
無譏歟貶必於其重者書猶臨朝足以示貶

矣終綱目書大旱三十八書旱五十八而書恤旱
之政者十有二而已終綱目書親錄囚六是年鄧

太后丙寅年宋文帝齊辛未年魏主宏癸酉年
魏主宏梁戊申年魏主子攸乙卯年周世宗

漢安帝時太后
錄囚具得枉實
行未還宮澍雨
遂降史冊書之
若以為盛事不
知垂簾聽政亦
非國家之福矧
親錄囚徒乎漢
室其益衰矣

發明

方書稟貸流民又書親錄囚徒其留意民事若此然災異寇賊紛紛迭出何哉自古未有

母后能措天下於太平者况鄧后又非安帝之母參考觀之義自見矣

六月大水大風雨電○秋七月太白入北斗

書法

書太白始此終綱目書太白六是年晉惠帝永康元年穆帝升平元年安帝義熙五年唐

高祖武德九年
五代已酉年

○冬任尚與先零羌滇零戰大敗詔遣謁者龐參督諸

軍屯

鄧騭使任尚與先零別種滇零等戰於平襄尚軍大敗羌衆遂大盛朝廷不能制湟中粟石萬錢死亡不

可勝數而轉運難劇故左校令龐參先生坐法輸作若
盧使其子俊上書曰萬里運糧遠就羌戎不若總兵
養衆以待其疲鄧騭宜且振旅留任尚使督涼州士
民轉居三輔休徭役以助其時止煩賦以益其財令
男得耕種女得織紉然後畜精銳乘懈沮出其不意
攻其不備則邊民之讎報犇北之恥雪矣書奏會樊
準上疏薦參太后即擢參於徒中

集覽

先零東羌種
名零音憐滇

零音顛憐人名先零羌之別種平襄雍州之域周以
前為西戎地在隴西漢武置天水郡治平襄城湟中
注見宣帝元康四年左校令官名也掌左工屬將作
大匠坐法輸作若盧坐謂案法科罪也輸作謂在若
盧獄中輸贖工作百官表曰若盧少府屬官如淳曰
藏兵器品令曰若盧郎中二十人主弩射漢儀注有
若盧獄令主治庫兵將相大臣又王商傳丹等奏請
詔商詣若盧詔獄孟康曰若盧獄名屬少府黃門北

寺獄是也。盧音盧。織絰，織者作布帛之總名。絰者，機縷也。杜預曰：織絰，謂織繒布也。絰如鳩反。徒中，在囚徒之中。顏師古：賈實，一統志云：平襄漢之縣，名為天曰徒供役作者。賈實，水郡治所。東漢末廢入秦州。故城在鞏昌府城東三百一十里。龐參，緱氏人。

十一月徵鄧騭為大將軍

鄧騭在位頗能推進賢士。薦何熙、李邵等，列於朝廷。又辟弘農楊震為郡陳禪等，置之幕府。天下稱之。震孤貧，好學，通達博覽。諸儒為之語曰：「關西孔子楊伯起。」教授二十餘年，不答州郡禮命。衆人謂之「晚暮而震志愈篤。」騭聞而辟之。時震年已五十餘，累遷荊州刺史。東萊太守當之。郡道經昌邑，故所舉荊州茂才王密為令。夜懷金遺震。震曰：「故人知君，君不知故人何也？」密曰：「暮夜無知者。」震曰：「天知地知，我知子知，何！」

謂無知者密愧而出子孫常蔬食步行故舊或欲令為開產業震曰使後世稱為清白吏子孫以此遺之

不亦厚乎**集覽**東萊郡屬青州古萊子國也今萊州是**質**令為開欲令楊震自為子孫開置產業

實

荊州注見獻帝建安十二年東萊郡名注見成帝永始元年昌邑縣名注見秦二世三年

滇零僭稱天子冠鈔三輔校尉梁懂破走之考異

按征伐例

曰僭名號曰稱據前後凡稱皇帝稱王稱天王不
加僭字唯盜賊曰僭號不言皇帝此僭字疑羨

質實

梁懂北地
弋居人

○**地震**

己酉三年春正月帝冠○京師大饑民相食

書法

民相食天下無邦矣而見於京師至大異也
綱目書民相食十詳漢初丙申年而見於京

師一而已終綱目書大饑二十六詳泰初丁巳年
書京師旱饑五是年桓帝元嘉元年唐高宗總章
元年代宗永
泰五年九年

○司徒恭罷

恭再在公位選辟高第至列卿郡守而門下耆生或不蒙薦舉有怨望者恭聞之曰學之不講是吾憂也終不借之議論學者受業必集覽高第索隱曰謂才窮核問難道成然後謝遣之集覽高第索隱曰謂才生老書生也禮記賀楊注耆至也言至老境也耆渠伊反終不借之議論謂終不優假一語而薦舉之

夏四月令吏民入錢穀得拜官賜爵有差

從三公
之請也

南匈奴反

漢人韓琮隨單于入朝既還說云關東水潦人民饑餓死盡可擊也單于遂反

秋九月海賊張伯路寇濱海九郡○烏桓鮮卑南匈奴

合兵寇五原○冬十一月南匈奴圍中郎將耿种於美

稷遣中郎將龐雄將兵討之考異此當書擊誤作討與元鼎六年討西羌同

據四年書耿夔擊南匈奴集覽美稷正義曰縣屬西河郡案西河即雲中郡之

破走之則此年傳誤耳
西河云勝州東河也

發明

匈奴未有書反而此年書南匈奴反者已臣於漢受其稟給則非其他部落比矣既書其

反於前遂正其討於後書法
若此固非苟於尊中國也

○十二月地震○有星孛于天苑集覽

天苑正義曰天苑十六星如環

狀在畢南天子養禽獸益稀暗則多死

○雨水○并凉大饑人相食質實

并凉二州名并州注見晉愍帝建興四年凉州注見唐中宗景龍二年

書法

春書京師大饑民相食矣於是再書并凉終綱目書人相食十帝居其二焉若其一歲再

書則終綱目一而已矣

○詔饗遣衛士勿設戲作樂減逐疫俵子之半集覽

子俵

徐廣曰俵音震又音真史記作俵西京賦俵子萬童駟索薛綜注云俵之為言善也善男幼子也儼於禁中而

逐疫續漢書曰大難選中黃門子弟十歲以上十二以下百二十人為倭子皆赤幘卑製執大靴後漢禮儀志先難一日謂之逐疫中黃門倡倭子和曰甲作食舂腓胃食虎雄伯食魅騰簡食不祥攬諸食咎伯奇食夢彊梁祖明共食磔死寄生委隨食觀錯斷食巨窮奇騰根共食蠱凡使十二神追惡凶掠女軀拉女幹節解女肉抽女肺腸女不急去後者為糧

庚戌四年春正月元會徹樂不陳克庭車集覽不陳克庭車故事元

旦陳列車輦克滿於庭今不令陳列○遣御史中丞王宗青州刺史法雄

討張伯路質實風郡人扶○度遼將軍梁懂遼東太守耿

夔擊南匈奴破走之○詔以涼州牧守子弟為郎

龐參說鄧騭徙邊郡不能自存者入居三輔騭然之
欲棄涼州并力北邊乃會公卿集議騭曰譬若衣敗
壞一以相補猶有所完若不如此將兩無所保公卿
皆以為然郎中虞詡言於太尉張禹曰若大將軍之
策不可者三先帝開拓土宇勞而後定今憚小費舉
而棄之一也涼州既棄即以三輔為塞園陵單外二
也諺曰關西出將關東出相烈士武臣多出涼州士
風壯猛便習兵事今羌人所以不敢入據三輔為心
腹之害者以涼州在後故也涼州士民所以推鋒執
銳父死子戰無反顧之心者為臣屬於漢故也今割
而棄之民庶安土重遷必引領而怨曰中國棄我於
異域如卒然起謀因天下之饑敝驅氏羌以為前鋒
席卷而東則函谷以西園陵舊京非復漢有三也議
者喻以補衣猶有所完詡恐其疽食浸淫而無限極
也禹以為然詡因說禹網羅涼土雄傑引其牧守子
弟於朝外以勸厲答其功勤內以拘致防其邪計禹

善其言更集四府皆從調議於是辟西州豪傑為掾屬拜牧守長吏子弟為郎以安慰之

集覽

引

引伸也頤頸也謂長引其頸而怨恨也疽食疽癰也

見光武建武元年

正誤

四府今按當謂太傅太尉司徒司空見後漢書百官志集覽第十二卷今

之四公條下質實虞詡武人所引是也

以虞詡為朝歌長討縣境羣盜平之

鄧騭以前議惡虞詡欲以法中之會朝歌賊數千人攻殺長吏屯聚連年州郡不能禁乃以詡為朝歌長故舊皆弔之詡笑曰事不避難臣之職也不遇盤根錯節無以別利器此乃吾立功之秋也始到謁河內太守馬稜稜曰君儒者當謀謨廟堂乃在朝歌甚為君憂之詡曰此賊犬羊相聚以求溫飽耳願明府不

以為憂稜曰何以言之詡曰朝歌背太行臨黃河去
教倉不過百里而青冀之民流亡萬數賊不知開倉
招衆劫庫兵守成臯斷天下右臂此不足憂也今其
衆新盛難與爭鋒兵不厭權願寬假轡策勿令有所
拘閼而已及到官設三科以募壯士掾吏以下各舉
所知攻劫者為上傷人偷盜者次之不事家業者為
下收得百餘人貫其罪使入賊中誘令劫掠乃伏兵
以待之殺數百人又潛遣貧人能縫者傭作賊衣以
采線縫其裾有出市里者吏輒
集覽 中之陰害之也
禽之賊由是駭散縣境皆平 中音竹仲反朝
歌注見秦王政六年盤根錯節顏師古曰樹根之盤
互木節之交錯非堅利之器不能治之背太行背音
佩太行注見周安王十五年教倉注見漢王劉質實
邦三年獸權獸與厭通謂當知權變不宜拘泥
馬稜扶風茂陵人援之族孫成
臯縣名注見秦莊襄王元年

三月南匈奴降

龐雄等連營稍前單于大恐讓韓琮曰汝言漢人死盡今是何等人也乃遣使乞降脫帽徒跣對雄等拜於是赦之遇待如初

先零羌寇漢中太守鄭勤戰死

勤戰大敗主簿段崇門下史王宗原展以身扞刃與勤俱死

地震○夏蝗○張伯路降復叛入海島

王宗法雄與伯路連戰破走之會赦到賊以軍未解甲不敢降議者皆以為當遂擊之雄曰不然兵凶器戰危事勇不可恃勝不可必賊若乘船入島攻之未易也及有赦令可且罷兵以慰誘其心勢必解散然

後圖之可不戰而定也宗善其言即罷兵賊乃還
所略人而東萊郡兵獨未解甲賊復驚走海島上

集

覽

海島韋昭曰海中
山有依止曰島

質實

一統志云海島在淮安府
海州城東八十里即高公

島也舊傳有高
公嘗漁於此

秋七月大水九月地震

書法

元帝初元正月書地震七月書復震異之也
此其一歲再震同也則其不書復何一書至

再則不足以為異矣終綱目一
歲再震十有二詳初元元年

○冬十月太后母新野君卒

新野君病太后幸其第連日宿止三公上表固爭乃
還宮及薨鄧騭等乞身行服太后欲不許曹大家勸

后許之及服除詔騰復還輔朝政更授前封騰等叩
頭固讓乃止於是並奉朝請有大議與公卿參謀

質實

新野縣名注見
平帝元始四年

書法

宣帝之篇書外祖母矣此其
書太后母何帝自外入也

辛亥五年春正月朔日食○地震○羌寇河內詔遣兵屯

孟津三月徙緣邊郡縣避寇遣侍御史任尚擊羌破之

先零羌寇河內百姓多犇渡河使朱寵將五營士屯
孟津詔魏趙常山中山作塢堠六百所羌既轉盛而

緣邊二千石令長多內郡人無守戰意皆爭上徙郡
縣以避寇詔皆從之百姓戀土遂刈其禾稼發徹室

屋夷營壁破積聚時連旱蝗饑荒而驅蹙劫掠流離
分散隨道死亡或棄捐老弱或為人僕妾喪其大半

復以仕尚為侍御史擊羌於上

集覽

塢塢塢通作隄小障也塢或作

黨羊頭山破之乃罷孟津屯

質實

河內郡名注見桓

塢司望曰侯所以望烽燧
縣名注見帝立更始二年魏郡名注見成帝綏和二年趙國名注見景帝三年常山郡名注見靈帝中平二年中山郡名注見周威烈王二十三年上黨郡名注見周赧王五十三年一統志云羊頭山在潞州長子縣東南五十六里上有石狀如羊頭故名

書法

從民避寇建武十五年嘗一書矣於是復見

法雄擊張伯路破斬之考異

按綱目盜賊並書討據前年書遣法雄討張伯路此

條擊字

考證

擊當作討斬當作誅

○秋漢陽人杜季貢寇陷上邽

考異

按褚燕許生等皆稱賊此乃賊字誤作人字

質實

漢陽郡名注見靈帝建寧二年上却縣名

注見光武
建武八年○蝗雨水

壬子六年春正月省薦新物二十三種

凡果蔬之生各有其時必待氣足而熟食之乃可養人若矯拂其性使之先時早熟其味不全有何益益朕自幼至今從未食也

詔曰凡供薦新味多非其節或鬱養彊孰或穿掘萌芽味無所至而夭折生長豈所以順時育物乎自今皆須時乃上凡集覽鬱養彊孰鬱滯也彊勉也皆非所省二十三種自然孰字本無四點說文本食飪字文選司馬相正誤鬱養彊孰今按此謂蓄火土如賦盧橘夏孰中蒸鬱而養之彊使其孰也彊音上聲孰古熟字

書法

自世祖有太官勿受異味之詔至和帝有詔太官勿受珍羞之書於是又書省薦新物二

十三種皆
可羨者也

三月蝗○夏詔封建武功臣○五月旱○六月豫章員

谿原山崩質實

豫章郡名注見武帝元鼎五年

○滇零死子零昌以杜

季貢為將軍

癸丑七年春正月太后率大臣命婦謁宗廟

書法

書譏非古也於是帝年二十宜能從宗廟之事矣而太后親焉故通鑑不書綱目特書之

所以譏也

○二月地震○夏四月晦日食○秋蝗

甲寅元初元年春二月日南地圻質實

日南郡名注見武帝元鼎六年

長百餘里

書法

於是地圻長百餘里大變也綱目書地圻三有百三十步者矣秦庚申年有八十五丈者

矣順帝陽嘉二年未有基於此者也

三月日食○遣兵屯河內以備羌○夏旱蝗○六月河

東地陷

書法

書地圻裂多矣未有書地陷者地至於陷大變也故通鑑不書綱目特書之終綱目書地

陷一而已

○羌豪號多掠漢中斷隴道校尉侯霸與戰破之集覽

漢中郡名注見周赧王四年隴道即隴山之道注見光武建武八年隴坻

書法

隴道何關要也攻守之際地有關於大勢者綱目必特書之故秦書絕太行道周赧王五

十二年漢書斷隴道是年書斷斜谷閣獻帝初平二年唐書斷峽江路僖宗中和二年

○冬十月朔日食○地震

卯乙 二年春號多降

校尉龐參以恩信招誘諸羌號多等降參遣詣闕賜侯印遣之參始還治令居通河西道西羌種名也號吾之弟令居注見武帝元狩四年河西道武帝時開河西酒泉之地正義曰河謂隴右蘭

集覽

號多

州之西河也今涼肅等州是已光武時竇融據河西
五郡地斗絕在羌胡中案五郡謂武威張掖酒泉燉
煌金質實一統志云河西漢之郡名本月氏國之地
城後為匈奴所據武帝時始置酒泉武威張
掖燉煌金城等郡以斷匈奴右臂時號河西五郡晉
時張軌據河西為前涼呂光繼之為後涼及李暉遷
酒泉號西涼沮渠蒙遜據張掖號北涼後魏分置西
涼州西魏更名甘州唐時地屬隴右道天寶中没于
吐蕃大中間收復故地宋金俱為西夏所據元立甘
肅等處行中書省理于此以控河西諸郡本朝初
置甘肅衛後改置陝西行都
指揮使司於此直隸陝西道

零昌寇益州遣中郎將尹就討之考異

零昌外蕃據下文書班雄等擊

零昌則此亦當書擊是後四年書討叛羌永寧元年書討羌並同

○夏四月立貴人閭

氏為皇后

后性妬忌後宮李氏生
皇子保后鵠殺李氏

書法

於是帝即位九年年二十二矣立后之遲未
有如此者而竟得妬后卒以亂朝闕雖憂在

進賢宜
矣哉

五月旱蝗○秋八月遼東鮮卑圍無慮集覽

曰無慮應劭
遼東邑

名無或作巫慮音閭字或作閭今廣寧路閭陽縣是縣
北山即盤巫慮也周禮職方氏東北曰幽州其山鎮曰

醫無閭案輿地要覽榆關以東行南瀕海北限大山盡
皆粗惡不毛此山忽峭拔摩空蒼翠萬仞全類江左此

盤巫閭
山也質實

一統志云無慮漢之縣名屬遼東郡為西
部都尉治所晉屬平州唐置巫閭守捉城

渤海為顯德府地置顯州奉先軍金改為廣寧府領廣寧望平閭陽鍾秀四縣元政府為路國朝改為廣寧衛屬遼東行都指揮使司

○九月晦日食○校尉班雄等擊零昌大敗

詔班雄屯三輔司馬鈞督關中兵龐參將羌胡兵分道並擊零昌參兵至勇士城東為杜李貢所敗引退鈞等獨進攻拔丁奚城李貢率眾偽逃鈞令仲光收羌禾稼光等散兵深入羌設伏要擊之光等兵敗並沒

集覽

仲光姓名也要擊要音邀實實司馬鈞遮也孟子使數人要於路實實東萊人

冬遣中郎將任尚屯三輔

懷令虞詡說尚曰兵法弱不攻彊走不逐飛自然之勢也今敵皆馬騎日行數百里來如風雨去如絕弦

以步追之，執不相及。所以雖屯兵二十餘萬，曠日而無功也。為使君計，莫如罷諸郡兵，各令出錢數千，二十人共市一馬，以萬騎之衆，逐數千之虜，追尾掩截，其道自窮，便民利事大功立矣。尚即上言，用其計，遣輕騎擊杜季貢，集覽：懷令懷縣之令也。懷注見周威于丁奚城破之。烈王六年，追尾章懷曰：尾猶言尋正誤。追尾，今按尾謂隨其後也。

以虞詡為武都太守擊羌破之

太后聞虞詡有將帥之略，以為武都太守。羌衆數千，遮詡於陳倉峭谷。詡即停軍不進，而宣言上書請兵。須到，當發羌聞之，乃分鈔傍縣。詡因其兵散，日夜進道兼行百餘里，令吏士各作兩竈，日增倍之。羌不敢逼，或問曰：孫臏減竈而君增之，兵法日行不過三十里，而今日且二百里，何也？詡曰：虜衆多，吾兵少，徐行

則易為所及速進則彼所不測虜見吾竈日增必謂
郡兵來迎衆多行速必憚追我孫贖見弱吾今示彊
執有不同故也既到郡兵不滿三千而羌衆萬餘攻
圍赤亭數十日詡乃令軍中彊弩勿發而潛發小弩
羌以為矢力弱不能至并兵急攻詡於是使二十彊
弩共射一人發無不中羌大震退詡因出城奮擊多
所傷殺明日悉陳其兵衆令從東郭門出北郭門入
貿易衣服回轉數周羌不知其數更相恐動詡計賊
當退乃潛遣五百餘人於淺水設伏候其走路虜果
大奔因掩擊大破之斬獲甚衆賊由是敗散詡乃占
相地執築營壁百八十所招還流亡假賑貧民開通
水運始到郡穀石千鹽石八千見戶萬三千視事三
年米石八十鹽石四百民增至**集覽**陳倉括地志云
四萬餘戶人足家給一郡遂安**岐州陳倉縣後**
魏改曰苑川陳倉山在縣南秦文公獲若石云于陳
倉北阪城即此正義曰三秦記云太白山西有陳倉

山山有石雞與山雞不別趙高繞山山雞飛去而石雞不起峭谷今陝州陝縣東二峭是元和志云東峭至西峭三十五里在秦關之東漢關之西孫臏滅竈事在周顯王二十八年赤亭在隴西漢屬南安州今渭州襄武縣是實實武都郡名注見武帝元鼎六年一統志武縣是實實云陳倉秦之縣名漢屬右扶風三國魏為重鎮晉末縣廢苻秦時於縣界置苑川縣後魏移苑川治陳倉復為陳倉縣後周於此置顯州未幾州縣皆廢隋復置陳倉縣屬岐州唐至德初因秦文公獲石雞之異改寶雞縣宋金元皆仍舊國朝因之屬鳳翔府峭谷在河南府永寧縣北二十里即峭山也一名嶽崙山春秋時晉人及羌戎敗秦于峭即此自東峭至西峭相去三十里路極嶮絕

十一月地震○前虎賁中郎將鄧弘卒

弘性儉素治歐陽尚書授帝禁中有司奏贈弘驃騎將軍太后追弘雅意不許但賜錢布臨辭不受將葬有司復奏發五營輕車騎士太集覽歐陽尚書歐陽后不聽但白蓋雙騎門生輓送複姓名生字伯和千乘人事伏生授兒寬寬授歐陽生子相傳至曾孫高高孫地餘長賓為博士論石渠由是尚書世有歐陽氏學

書法

網目在位書卒未有卒前官者卒弘何錄賢也儉素通經后族如弘者鮮矣終綱目以前

官書卒者六人而已是年鄧弘桓帝建和三年荀淑靈帝中平四年陳寔晉懷帝永嘉六年衛玠成帝咸康二年孔坦宋丁卯年杜弘文皆特書也

丙辰三年春地震○三月日食○夏四月旱○度遼將軍

鄧遵率南單于擊零昌破之任尚又擊破之考異南上漏

奴二字 ○冬初聽大臣行三年喪

六年同 舊制公卿二千石刺史不得行三年喪司徒劉愷以為非所以師表百姓宣美風俗乃詔聽大臣行三年喪

書法 書初何嘉復禮也自文帝遺詔短喪而漢世公卿二千石刺史不得終制至是改之故特

書初終綱目書聽行三年喪三 是年桓帝永興二年齊丙子年魏

發明 海三年之喪自天子達烏有名為大臣師表四乃不得行終喪之禮者哉書初聽大臣行

三年喪聽者是則禁者非矣雖曰幸之蓋亦惜之也

地震○十二月任尚擊零昌殺其妻子

丁巳四年春二月朔日食○武庫災質實

武庫注見景帝三年

書法

火災雖宮殿不悉書唯武庫悉書之重國備也書武庫災始此綱目書災十五而書武庫

災一書火十一而書武庫火三桓帝延熹四年晉惠帝元康五年唐玄宗天寶十載

○任尚遣羌殺杜季貢○夏四月策免司空袁敞敞自

殺

敞廉勁不阿權貴失鄧氏旨尚書郎張俊有私書與敞子怨家封上之敞坐策免自殺

遼西鮮卑入寇郡兵擊破之質實

遼西郡名注見獻帝建安十年鮮卑東胡

種名注見梁武帝大同十年突厥

○六月雨雹○益州刺史張喬討叛

羌羌皆降散質實

益州注見後主建興三年

○秋七月雨水○任尚

募羌殺零昌○越雋夷封離等反質實

越雋郡名注見武帝元鼎六年

○任尚擊先零羌狼莫大破走之西河虔人種羌降隴

右平集覽

隴右即隴西郡注見秦王政三年

○地震

戊午五年春旱○永昌益州蜀郡夷叛質實

永昌郡名注見章帝建初

二年哀牢國益州郡名注見武帝元狩元年滇國蜀郡注見晉武帝泰始五年

三郡夷叛應封離衆至十餘萬破壞二十餘縣殺長吏焚掠百姓骸骨委積千里無人

秋八月朔日食○冬十月鮮卑冠上谷質實

上谷郡名注見秦王

政三年○鄧遵募羌殺狼莫封遵為武陽侯徵任尚棄市

自羌叛十餘年間軍旅之費凡用二百四十餘億死者不可勝數并涼二州遂至虛耗及零昌狼莫死諸羌瓦解三輔益州無復寇警詔封鄧遵為武陽侯遵以太后從弟故爵封優大任尚與遵爭功檻車徵棄

市質實

武陽縣名注見光武建武十一年

書法

前書任尚募羌殺零昌此書鄧遵募羌殺狼莫功一爾遵以功封尚以功戮私之私也直

書譏之是故馬防耿恭同破羌者也防徵而恭下獄鄧遵任尚皆殺羌者也遵封而尚棄市馬鄧皆賢后而后族之權猶若此當時之公論安在哉凡書棄市罪辭也任尚上書徵無罪焉無罪而以罪

辭書甚
漢也

發明

任尚自永初元年與鄧騭俱受征討之任次年書尚與羌戰大敗宜即償軍之誅然迄無

所行者騭使之戰故也至三年書尚有破羌之功猶未足以補前失未幾屯兵三輔復與鄧遵擊破零昌功頗著矣前年書尚擊零昌殺其妻子去秋書尚募羌殺零昌又書大破先零降種羌平隴右其功始有可稱至是諸羌瓦解無復寇警而尚乃召還棄市何耶鄧遵專有其功尚不知權勢所在懽與之爭宜其自取顛覆也方是之時鄧后臨朝自以賢德過人然刑賞國之大柄當刑不刑當賞不賞謂之公道可乎與衆棄之不書其罪權要亦可畏也哉

地震

巳六年春二月地震○夏四月大風雨雹

書法

永初元年書大風雨雹矣二年再書於是三書終綱目書大風雨雹五帝居其三焉

○旱○秋七月鮮卑寇馬城塞鄧遵率南單于擊破之

質實

馬城塞注見順帝陽嘉二年

○冬十二月朔日食既

書法

安帝自即位至是纔十三年書日食九天戒亦至矣帝曾弗悟外則太后專朝內則閭后

妬忌諸羌歲叛天下多事於是日食既焉陰盛之證豈不明哉終綱目書日食既十有二無不有應

者詳惠

帝七年

○地震○豫章芝草生

豫章有芝草生太守劉祇欲上之以問郡人唐檀檀曰方今外戚豪盛君道微弱斯豈嘉瑞乎祇乃止

書法

於是太守劉祇欲奏而止則其書之何予祇也帝自永初至今書日食十地震十四雨水

旱蝗不絕書而遽有芝草生焉其不為瑞明矣是故綱目於武帝上書甘泉產芝而繼書旱於安帝下書豫章芝草生而上書日食既地震世主亦可以默悟矣終綱目書芝三武帝元封二年是年梁乙酉年

益州夷降

益州刺史張喬遣從事楊竦將兵擊封離等大破之斬首三萬餘級封離等乞降竦厚加慰納其餘三十種皆來降附竦因奏長吏姦猾侵犯蠻夷者九十人皆減死論

敦煌遣吏屯伊吾車師鄯善復降

初西域諸國既絕於漢北匈奴復以兵威役屬之與共為邊寇敦煌太守曹宗患之乃上遣行長史索班將千餘人屯伊吾以招撫之於集覽上遣行長史索是車師前王及鄯善王復來降班上遣行者上奏於天子而遣之行也百官表郡守之下有丞邊郡又有長史掌兵馬索班姓名也伊吾注見明帝永平十五年車師注見武帝元正誤乃上遣行長史今按鼎二年鄯善注同上年行長史謂索班行長史事未為真也

書法

伊吾盧於是凡五書矣初書取伊吾盧地次書罷伊吾盧屯兵則繼書匈奴復守其地三

書寶憲復取伊吾盧地則繼書車師遣子入侍四書罷伊吾盧屯田則繼書西羌復叛此書遣吏屯

伊吾則繼書車師鄯善復降
合而觀之其為要地明矣

庚申永寧元年春三月北匈奴車師後王共殺漢吏詔復

置都護屯兵

北匈奴率車師後王軍就共殺索班擊走前王畧有
北道曹宗請出兵擊匈奴以報之因復取西域公卿
多以為宜閉玉門關太后聞軍司馬班勇有父風召
問之勇上議曰昔孝武皇帝開通西域論者以為奪
匈奴府藏斷其右臂光武中興未遑外事故匈奴驅
率諸國河西城門晝閉孝明皇帝深惟廟策命將出
征然後匈奴遠遁邊境得安間者羌亂西域復絕北
蕃遂遣責諸國通租高其價直嚴以期會鄯善車師
皆懷憤怨思樂事漢其路無從然今曹宗徒欲報雪
匈奴而不尋出兵故事要功荒外萬無一成兵連禍

結悔無所及況今府庫未充師無後繼臣愚以為不可許也宜於敦煌復置營兵三百人及護西域副校尉遣長史將五百人屯樓蘭西當馬者龜茲徑路南疆鄯善于寘心膽北扞匈奴東近敦煌既為敵人節度又禁漢人侵擾如此誠便公卿難曰前所以棄西域者以其無益而難供也今欲通之班將能保北敵不為邊害乎勇對曰今置州牧以禁盜賊若州牧能保盜賊不起者臣亦願以腰斬保匈奴之不為邊害也今通西域則敵執必弱為患微矣孰與歸其府藏續其斷臂哉若棄而不立則西域望絕屈就北虜恐河西城門必須復有晝閉之敝矣今不廓開朝廷之德而拘屯戍之費豈安邊久長之策哉難者又曰西域遣使求索無厭一旦為匈奴所迫當復求救則為役大矣勇對曰今設以西域歸匈奴而使其恩德大漢不為鈔盜則可矣如其不然則是富仇讎之財增強敵之勢且西域來者不過稟食今若拒絕執歸北

屬蕃人并力以寇并涼則中國之費不止千億置之誠便於是從勇議復營兵置副校尉居敦煌雖以羈縻西域然亦未能出屯其後匈奴害集覽軍就車師後果數與車師入寇河西大被其害王名北道即

扶風郡栒邑也栒邑注見光武建武六年王門關注見武帝元鼎二年廟策注見宣帝神爵元年廟勝之冊要功荒外要與微通音邀求也荒外荒服之外也蔡氏曰以其荒野故曰荒服在要服外蕭望之曰荒服者言其來服荒忽無常樓蘭注見武帝元封三年焉耆音煙支西域國名于寘注見武帝元狩元年并涼并州今太原是正義曰漢置太原府兼置并州也涼謂涼雍也漢改雍州曰涼州為刺史治隴西質

實

并涼二州名并州注見晉愍帝建興四年涼州注見唐中宗景龍二年

沈氏當煎燒當羌入寇集覽

沈氏東羌種號也續漢書曰羌在上郡西河者沈氏

也當煎東羌種名後或作煎當
燒當注見光武建武中元二年○夏四月立子保為

皇太子○校尉馬賢討羌破之○秋七月朔日食○大

水○以楊震為司徒○遼西鮮卑降○地震

發明

自鄧后臨朝地震之異史不絕筆夫以地道主靜宜靜而動亦由婦人治事反地之道故

數數震動以著其應爾當是之時大水雨雹旱蝗日食災異之衆間見層出然獨地震尤多天道豈不甚明雖曰恐懼修飭要之大本不正終亦無補於事綱目書之或一歲再見自永初初元至是十

四年間凡十有五皆所以示證應之形著陰道之失為後世鑑也

○免越騎校尉鄧康官遣就國

太后從弟康以太后久臨朝政宗門盛滿數上書諫言甚切至太后不從康謝病不朝太后大怒免康官

遣歸國集覽絕屬籍周顯王十年見

發明

安帝繼統春秋十三鄧后臨朝至是歷十五載合而言之蓋亦年垂三十矣謂之幼君不

可也鄧氏久戀大權略無還政之意舉朝噤嘿莫敢出聲鄧康以后族之親慮貽顛覆數數進諫太后倘能翻然悔悟猶可收之桑榆而乃奮發威怒斥逐就國惜乎康未能高舉遠引奉還爵邑退歸田里政使觸忿而死所得多矣建光之際鄧氏一門誅竄殆盡康之得脫僅若毫芒蓋亦幸爾書免官而不言其罪書就國而不言其絕亦予之而不盡予者也嗚呼微矣

辛酉建光元年春三月皇太后鄧氏崩封鄧騭為上蔡侯

考異

封字下質實上蔡縣名注見

秦二世二年

太后自臨朝以來水旱十載諸蕃外侵盜賊內起每
聞民饑或達旦不寐躬自減徹以救災厄故天下復
平歲仍豐穰嘗徵濟北河間王子男女五歲以上四
十餘人及鄧氏近親子孫三十餘人為開邸第教以
經書躬自監試詔從兄豹康等曰末世貴戚食祿之
家溫衣美食乘堅驅良而面牆術學不識臧否斯故
禍敗所從來也時帝已年長久不還政潁川杜根嘗
上書言之太后大怒盛以縑囊撲殺之載出城外得
蘇逃竄為宜城山中酒家保積十五年平原成翊世
亦坐諫太后不歸政抵罪至是尚書陳忠薦之帝拜
根侍御史翊世尚書郎或問根曰往者遇禍何至自
苦如此根曰周旋民間非絕跡之處邂逅發露禍及
親知故集覽曰乘堅驅良堅謂好車良謂善馬也墨子
不為也集覽曰聖王為衣服之法堅車良馬不知貴

也面牆何晏曰如正面向牆而立一無所見也撲殺
撲弼角反謂投擲而擊殺之如格殺也宜城漢武封
燕倉宜城侯即此索隱曰表屬濟陰括地志云襄州
率道縣南九里古鄆城漢惠改宜城顏師古曰古鄆
子國也酒家保漢書音義曰酒家作保傭也可保信
故謂之保正義曰保者為人傭力保可任使也傭癡
容反受雇也韋昭曰方言保質實一統志云宜城本
傭調之南方奴婢賤稱也

質實

楚鄆縣地名秦為

鄆縣地屬南郡漢置宜城縣晉襄陽郡治此劉宋屬
華山郡梁改為率道縣隋屬襄州唐屬郢州尋改屬
襄州以漢南縣省入天寶中復改為宜城縣宋元皆
仍舊國朝因之屬襄陽府陳忠沛郡相人寵之子

堊和熹皇后○追尊清河孝王曰孝德皇皇妣曰孝德

后考異

妣上皇
字羨

○夏高句驪鮮卑寇遼東太守蔡諷戰

歿

掾龍端公孫輔以集覽掾龍端掾俞絹反
身扞諷俱歿於陳官屬也姓龍名端

尊嫡母耿姬為甘陵大貴人考異嫡字羨按順帝追尊

氏並不質實

一統志云甘陵本周之市名秦為厓縣屬
鉅鹿郡漢初為信成縣後為清河縣屬清

河郡後漢改甘陵縣晉改清河縣後魏北齊皆為清河
郡治後周於郡置貝州隋罷州為清河郡唐復為貝州
或為清河郡五代時晉置永清軍節度宋改為恩州金
移治歷亭縣而清河縣仍屬恩州元屬大名路國朝初
屬大名府後
改屬廣平府

書法

既曰嫡母矣而乃尊之為甘陵大貴人
此何等稱謂也直書于冊其失自見

○詔舉有道之士

尚書陳忠以詔書既開諫爭慮言事者必多激切致不能容乃上疏豫廣帝意曰臣聞仁君廣山藪之度納切直之謀忠臣盡蹇諤之節不畏逆耳之害今明詔引咎克躬諮訪羣吏言者見杜根成翊世等新蒙表錄顯列二臺必承風響應爭為切直嘉謀異策宜輒納用如其管穴妄有譏刺雖苦口逆耳不得事實且優游寬容以示聖

集覽

蹇蹇諤之節離騷經余固知蹇蹇之為患兮文公集註

蹇與蹇通直詞進諫已所難言而君亦難聽故其言之出有不易者如蹇吃然也辯證曰蹇難於言也蹇難於行也又續離騷惜誓篇或直言之諤諤文公集註諤諤直言貌語曰千人之諾諾不如一士之諤諤周武諤諤以昌殷紂諾諾以亡諤與鄂通戰國周舍對趙簡子曰願為鄂鄂之臣管穴猶東方朔所謂以

管窺天之意此云如其管穴謂言事者所見不遠大而言之或妄誕也

書法

詔舉有道終綱目一書而已

以薛包為侍中不拜

初汝南薛包少有至行父娶後妻而憎包分出之包日夜號泣不忍去至被毆扑不得已廬於外旦入灑掃父怒又逐之乃廬於里門昏晨不廢積歲餘父母慙而還之及父母亡弟子求分財異居包不能止乃中分其財奴婢引其老者曰吾少時所治意所戀也器物也田廬取其荒頓者曰吾少時所治意所戀也器物取朽敗者曰我素所服食身口所安也弟子數破其產輒復賑給帝聞其名令公車特徵至拜侍中包以死自乞有詔賜告

集覽

昏晨不廢朝暮猶盡定省之禮定省之禮注見唐玄宗天

寶十五載荒頓荒蕪也謂無利之田頓如字
讀謂頓壞之屋賜告歸注見武帝建元六年

書法

書予之也書不拜始此綱目書不拜三是年薛包唐穆宗長慶四年劉栖楚晉丙申年周

環書不受十有
九詳永初元年

徙封鄧騭為羅侯遣就國騭自殺貶平原王翼為都鄉

侯

帝少號聰明故鄧太后立之及長多不德稍不可太
后意太后徵濟北河間王子詣京師以河間王子翼
為平原懷王勝後留京師帝乳母王聖慮有廢置常
與中黃門李閏江京候伺左右共毀短太后帝每忿
懼及太后崩宮人有誣告太后兄弟悝弘閹謀立平
原王帝怒令有司奏悝等大逆無道遂廢其子西平

侯廣宗等為庶人。騰以不與謀，徙封羅侯。遣就國。宗族免官歸。故郡沒入貲產。廣宗等皆自殺。騰不食而死。徵鄧康為太僕。貶平原王翼為都鄉侯。遣歸河間。翼謝絕賓客，閉門自守。由是得免。
集覽 慄，閬三人，名實實。西平縣名。注見獻帝建安十三年一也。慄音魁。實實，統志云羅秦之縣名。本春秋時羅子國。漢晉因之，皆屬長沙郡。隋屬玉州。後屬羅州。唐省之，故城在長沙府湘陰縣東六十里。都鄉縣名。注見章帝章和二年。

書法

於是騰徙封就國，不食而死，則曷為以自殺書？據亞夫、龔勝、陳龜皆書不食，甚遣之者也。

騰為賢臣，貶迫至此，綱目之所深惜也。故西平侯廣宗等自殺，不書詔許鄧騰還葬，則書。

發明

安帝少號聰明，長多不德。鄧太后稍不可意，亦為天下慮。爾由今觀之，帝自親政之後，治道。

施設大略亦可觀矣帝既不能自反乃追怒鄧氏
譴責竄戮至於沒入貲產而怒猶未息必欲盡置
死地而後已故騰之自殺書徙封書遣就國以見
迫逐之意帝亦可謂少恩者然自騰而下死者甚
衆綱目皆削而不書何哉太后制朝衆情忿鬱鄧
氏苟有人焉自當深明大義力陳歸政如其言不
見聽則翩然遠引屏迹山林猶或可以自免既不
能然乃貪於爵位遲回不去一旦太后棄朝復何
恃耶不書于冊蓋畧之也
畧之者賤之也其旨微矣

詔許鄧騭還葬

初鄧后之立也三公欲共奏追封后父訓司空陳寵
以無故事不從故寵子忠不得志于鄧氏數上疏陷
成其惡大司農朱寵痛騭無罪乃肉袒輿櫬上疏曰
和熹皇后聖善之德為漢文母兄弟忠孝同心憂國

功成身退讓國遜位歷世外戚無與為比而利口傾險反亂國家遂令騰等罹此酷濫逆天惑人率土喪氣宜收還冢次寵樹遺孤奉承血祀以謝亡靈因自致廷尉忠効寵免官衆庶多為騰稱枉者帝意頗悟乃還葬騰等諸從昆弟皆得歸京師

書法

書許還葬何予存厚也終綱目書許還葬二鄧騰郭崇韜

以耿寶監羽林車騎封宋楊四子及宦者江京李閔皆

為列侯考異

按凡例外戚當書其屬據建寧二年書以董貴人兄子重為五官中郎將地節四年

書賜外祖母號為博平君則此當書耿貴人兄寶孝德皇外祖宋楊

帝以耿貴人兄寶監羽林車騎宋氏封侯為鄉校侍中者十餘人閭后兄弟顯景耀並典禁兵江京李閔

皆封列侯與中常侍樊豐劉安陳達及王聖聖女伯
榮扇動內外競為侈虐出入宮掖傳通姦賂司徒楊
震上疏曰臣聞政以得賢為本治以去穢為務方今
九德未事嬖倖充庭王聖賤微得奉聖躬雖有推燥
居濕之勤前後賞惠過報勞苦而外交屬託損辱清
朝宜速出阿母令居外舍斷絕伯榮莫使往來帝以
疏示聖等皆忿恚而伯榮通故朝陽侯劉護從兄瓌
瓌遂為侍中得襲護爵震上疏曰經制父死子繼兄
亡弟及以防篡也故朝陽侯劉護同產弟威今猶見
在而以其再從兄瓌襲爵為侯且天子專封封有功
諸侯專爵爵有德瓌無他功行但以配阿母女既位
侍中又至封侯不稽舊制不合經義陛下宜鑒既往
順帝之則尚書翟酺上疏曰昔竇鄧之寵傾動四方
兼官重綬盈金積貨及其破壞頭顱墮地願為孤豚
豈可得哉夫致貴無漸失必暴受爵非道殃必疾今
外戚寵幸未有等比祿去公室政移私門覆車重尋

寧無摧折昔文帝躬行節儉有譏之者帝曰朕為天下守財耳豈得妄用之哉今飲天下之財積無功之家帑藏單盡民物彫傷卒有不虞危亂可待願陛下勉求忠貞誅遠佞諂割情欲罷宴私心存亡國所以失之鑒觀興王所以得之庶災害

集覽

九德未事言有德者未見

可息豐年可招矣書奏皆不省其所行之事也書皋陶曰亦行有九德亦言其人有德乃言曰載采采蔡氏傳曰亦總也載行采事也總言其人有德必言其所行某事某事為可信驗於以擇人而官之阿母阿倚之母謂乳母王聖翟璠翟姓有兩音漢書翟方進注翟音狄唐書翟璋注翟音澤有此異耳酺名也音蒲寶鄧之寵寶憲鄧騭皆以外戚得寵幸願為孤豚豈可得哉史記莊子傳楚威王聞莊周賢使使厚幣迎之許以為相周笑謂使者曰千金重利卿相尊位也子獨不見郊祭之犧牛乎養食之數歲衣以文繡以入太廟當是時雖欲為孤豚

豈可得乎子亟去無污我注謂犧牛臨宰時願為孤小之豚亦不可得也覆車重尋重去聲猶言再蹈覆

轍

正誤

九德未事今按此言不質實一統志云朝陽任用九德之人行事也漢之縣名屬南

陽郡三國魏廢之故城在南陽府南陽縣朝水之陽今為朝陽村俗呼刁城翟酺廣漢維人

發明

事必有待貶斥而惡始見者亦有不待貶斥而惡自見者自鄧后即世至是僅四閱月而

安帝初政所行乃爾觀綱目所書封宋楊四子及宦者之事則其不德之實曉然可知此正所謂不待貶黜而惡自見者帝之所為若此而猶欲追怒鄧氏不亦繆乎

秋八月燒當羌麻奴入寇馬賢追擊破之○以劉愷為

太尉

居延都尉范邠犯賊罪吏議欲增錮二世劉愷以為春秋之義善善及子孫惡惡止其身所以進人於善也今以輕從重懼及善人非先王祥刑之意也詔從之

集覽

增錮二世增加禁錮其子孫不得叙

用善善及子孫惡惡止其身公羊傳昭二十年君子之善善也長惡惡也短惡惡止其身善善及子孫注不遷怒也上善去聲惡惡並如字一讀上惡作烏路反

質實

居延縣名注見武帝元狩二年劉愷

居巢侯般之子宣帝耳孫也

鮮卑寇居庸關殺雲中太守質實

居庸關注見唐武宗會昌元年雲中郡名

注見秦王政三年

○帝幸衛尉馮石府留飲十日

石能取悅當世故為帝所寵

書法

特筆也直書其事而貶義自見矣故書留飲十日所以志安帝之褻書旬日而還所以志

後主之荒建興十四年終綱目書君幸諸臣之家五幸其府二是年晉成帝咸康元年隋煬帝大業

三年唐太宗貞觀十四年二十年辛未年梁主晃

甲申年唐主存勗其書飲宴者二是年隋煬帝大

業三年未有留連如此者矣而微行

梁府舍不與焉桓帝永嘉元年

發明

諸侯非問疾弔喪而入諸臣之家是謂君臣為讎烏有身為萬乘之主而乃臨幸佞臣之

居留飲至于十日者哉大書于冊甚其惡也

雨水○冬十一月地震○復斷大臣行三年喪

尚書令殺諷等奏孝文定約禮之制光武絕告寧之典貽則當世誠不可改宜復斷大臣行三年喪陳忠

上疏曰高祖創制大臣有寧告之科建武之初政趣簡易禮義之方實為彫損孟子有言老吾老以及人之老幼吾幼以及人之幼天下可運於掌臣願陛下登高北望以甘陵之思揆度臣子之心則海內咸得其所時宦官不便之竟寢忠奏袁宏曰古之帝王所以篤化美俗率民為善因其自然而不奪其情民猶有不及者而況毀禮

集覽

殺諷姓名也殺丁外反史炤音丁活反約禮之制注

見文帝後七年遺詔短喪告寧之典李斐曰休謁之名告曰告凶曰寧孟康曰古者名吏休假曰告顏師古曰告者請謁之言謂請休耳漢諸書云謝病謝亦告也寧謂處家持喪服也甘陵之思謂嫡母耿姬甘陵大**正誤**曰甘陵之思今按安帝追尊其父清河孝王貴人**正誤**曰孝德皇皇妣左氏曰孝德后乃所生母也又尊陵曰甘陵尋尊嫡母耿姬為甘陵大貴人**集覽**於甘陵之思不及其父母而獨舉耿姬何也質

實

甘陵縣名注
見本年前

書法

祿諷請也前書初聽行三年喪至是纔歷六年耳雖以陳忠之切諫不能奪宦官之所不

欲人心之不肖甚哉書惜之也終綱目書復斷行喪二是年桓帝延熹二年書聽終不書復斷者其

惟魏孝文
乎丙子年

發明

元初三年書初聽大臣行三年喪至是纔六年載爾而又禁之何哉小人狃於弊俗禮典廢

壞莫此為甚他時既復又斷紛
紛不已迭書于冊皆譏之也

十二月高句驪王宮圍玄菟州郡討破之宮死考異

此亦

不當書討與
討西羌同

高句驪王宮死玄菟太守姚光上言欲因其喪發兵擊之陳忠曰宮前桀黠光不能討死而擊之非義也宜遣使弔問因責讓前罪赦不加誅取其後善帝從之

質實

玄菟郡名注見武帝元封二年

壬戌延光元年夏四月雨雹

大者如斗

遼東都尉龐奮承偽詔斬玄菟太守姚光徵抵罪

玄菟太守姚光幽州刺史馮煥數糾發姦惡怨者詐作璽書譴責煥光賜以歐刀又下龐奮使速行刑奮即斬光收煥煥欲自殺其子緄疑詔文有異止之煥乃上書自訟徵奮抵罪

集覽

歐刀顏師古曰

刑人之刀也或音一口反

發明

為偽詔者姦惡盜賊也然郡太守非有大故烏可遽行殺戮綱目詳而書之所以見龐奮

不審之罪雖然清明盛世則無是事此又綱目言外之意

秋七月地震○高句驪王遂成降

是後東

垂少事

虔人羌與上郡胡反邊兵擊破之質實

上郡注見秦王政三年

九月地震○冬鮮卑寇邊

鮮卑既累殺郡守膽意轉盛控弦數萬騎寇鴈門定襄太原

麻奴降○雨水○遣宦者及乳母王聖女伯榮詣甘陵

尚書僕射陳忠上疏曰竊聞使者所過威動郡縣王侯二千石至為伯榮獨拜車下修道繕亭徵役無度賂遺僕從人數百匹伯榮之威重於陛下陛下之柄在於臣妾水災之發必起於此昔韓嫣託副車之乘受馳視之使江都誤為一拜而嫣受歐刀之誅臣願明主嚴天元之尊正乾剛之位不宜復令女使干錯萬幾書奏不省時機事專委尚書而災變輒免三公忠上疏曰漢典舊事丞相所請靡有不聽今之三公雖當其名而無其實選舉誅賞一由尚書近以災異切讓三公臣忠常獨不安尚書決事多違典故典罪法無例詆欺為先宜割而勿聽上順國典置方圓於規矩審輕重於衡石誠國家之典萬世之法也

集

覽韓嫣託副車之乘受馳視之使江都誤為一拜韓嫣漢武帝幸臣也高帝時韓王信入匈奴至類當

城生子因名類當韓嫣乃類當之孽孫也嫣常與上卧起江都易王名非景帝之子入朝有詔得從獵上

林天子車駕未行而先使嬀乘副車從數十騎驚馳視獸江都王望見以為天子乃辟從者伏謁道傍嬀驅不見既過江都王怒為皇太后泣後以姦聞太后使使賜嬀死漢書音義曰嬀音偃索隱音於建壹言二反並通天元之尊易曰大哉乾元伊川傳曰乾天也以形體謂之天以主宰謂之帝以性情謂之乾乾純剛之位易曰大哉乾乎剛健中正粹精也時乘六龍以御天也

發明

來按通鑑載帝數遣黃門常侍及中使伯榮往來甘陵而綱目大書宦者及乳母王聖女伯

榮其詞旨稍異何哉蓋謂之黃門常侍及中使則其事隱而難明謂之宦者及乳母王聖女則其失曉然易見夫以安帝親政僅踰一載而所為舛繆往往若此綱目所以特筆書之詞繁而不殺者正以著其惡而甚之為後世戒爾噫東漢之治自是日益亂矣於帝乎何譏

汝南黃憲卒

汝南太守王龔政崇溫和好才愛士以袁閬為功曹引進黃憲陳蕃等憲不屈蕃就吏閬不修異操蕃性氣高明憲世貧賤父為牛醫憲年十四潁川荀淑遇於逆旅竦然異之揖與語移日不能去謂曰子吾之師表也前見袁閬未及勞問逆曰子國有顏子寧識之乎閬曰見吾叔度邪同郡戴良才高倨傲而見憲未嘗不正容及歸罔然若有失也其母問曰汝復從牛醫兒來邪對曰良不見叔度自以為無不及既覩其人則瞻之在前忽然在後固難得而測矣陳蕃周舉常相謂曰時月之間不見黃生則鄙吝之萌復存乎心矣太原郭泰少游汝南過袁閬不宿而退從憲累日乃還或問之泰曰奉高之器譬之汎濫雖清而易挹叔度汪汪若千頃波澄之不清淆之不濁不可量也憲初舉孝廉又辟公府友人勸其仕憲暫到京

師即還年四十八終范曄曰黃憲言論風旨無所傳聞然士君子見之者靡不服深遠去疵吝故余曾祖穆侯以為憲頽然其處順淵乎其

集覽

袁閔黃憲傳作袁閔劉貢

父曰案閔字奉高閔字夏甫下文言奉高則閔當作閔逆曰逆迎也迎先便說鄙吝猶茅塞之義汎濫汎音軌字從九無點或作汎誤也濫通作檻並音胡覽反前書班固賓戲曰懷汎濫而測深乎重淵爾雅汎泉穴出濫泉正出郭璞注云穴出仄出也從旁出也正出涌出也詩大東篇有洌汎泉采菽篇感沸濫泉風旨風謂標致旨謂意趣也疵吝瑕疵羞吝也章懷曰疵音此據說文當作疵疵古字也故余曾祖穆侯余我也范曄南朝宋人其曾祖名汪晉簡文時為安北將軍謚曰穆侯頽然柔貌也黃憲傳頽作隤若及門於孔氏孔氏謂宣聖也若**質實**汝南郡名注見光武建武十九年王

龔山陽高平人袁閭汝南汝陽人安之玄孫黃憲汝南慎陽人陳蕃汝南平輿人周舉汝南汝陽人防之子

書法

布衣未有書卒者卒黃憲惜賢也布衣書卒終綱目二人而已矣黃憲管寧

發明

憲一布衣也而得書于冊至今使人有歎仰之心者豈非潛德幽光不可得而泯沒故耶

雖然于時羣小在位而賢才沉於草萊聘召不及無所附見必至於卒而書之又所以愧當時也

癸亥二年夏四月封王聖為野王君質實

野王縣名注見周赧王五十三

年

書法

王聖何乳母也自宣帝始推恩阿保賜物而已未有封也至是而封君矣桓帝之世復侯

其子焉馬惠子初下及元魏乃尊為皇太后寶氏
常氏甚哉終綱目書封乳母二是年王聖順帝陽

嘉二年宋娥封乳母子一桓帝永興二年

書尊為皇太后二宋壬申年魏癸巳年

癸明

此乳母也何不揭而書之蓋已見之於前矣夫以乳媼而列爵受封大書于冊漢治雖欲

不衰其可得乎

○以班勇為西域長史將兵屯柳中質實

班勇扶風平陵人超之少

子

北匈奴連與車師寇河西議者欲復閉玉門陽關以絕其患敦煌太守張璠上書曰臣在京師亦以為西域宜棄今親踐其地乃知棄西域則河西不能自存謹陳三策北敵呼行王常展轉蒲類秦海之間專制

西域共為寇鈔今以酒泉屬國吏士二千餘人集昆
侖塞先擊呼衍絕其根本因發鄯善兵五千人脇車
師後部此上計也置軍司馬將士五百人四郡供其
犂牛穀食出據柳中此中計也棄交河城收鄯善等
悉使入塞此下計也朝廷下其議陳忠請於敦煌復
置校尉增四郡屯兵以撫諸國於是復以班勇為西
域長史將兵五集覽呼衍王注見明帝永平十五年
百人出屯柳中蒲類秦海西域傳注大秦國在
西海西故曰秦海也蒲類亦國名也又蒲類海注見
明帝永平十六年交河城車師前王庭在焉本高昌
所都前書音義曰以河水分流繞城下故名交河括
地志云交河城去長安八千一百五十里故城在今
西州交實實柳中縣名注見齊明帝建武四
河縣年高昌交河城注同上年高昌

秋七月丹陽山崩質實

丹陽郡名注見明
帝永平十三年

○雨水○冬

以楊震為太尉

耿寶薦李閔兄於震曰李常侍國家所重欲令公辟其兄寶唯傳上意耳震曰如此則宜有尚書敕寶大恨而去閔顯亦薦所親震又不從司空劉授聞而辟之震益見怨時詔遣使者大為王聖脩第樊豐周廣謝惲等傾搖朝廷震上疏曰方今災患滋甚百姓空虛三邊震擾帑藏匱乏而為阿母起第為費巨億廣惲兄弟依倚近倖與之分威屬託州郡傾動大臣招徠海內貪汙之人受其貨賂復得顯用白黑溷淆天下謹詳臣聞師言上之所取財盡則怨力盡則叛怨叛之人不可復使惟陛下度之上不聽

集覽

惲於
粉反

十二月地震○聘處士周燮馮良不至

陳忠薦汝南周燮南陽馮良學行深純隱居不仕帝以羔幣聘之燮宗族勸之曰夫脩德立行所以為國君獨何為守東岡之陂乎燮曰夫脩道者度時而動而不時焉得亨乎與良皆自載至近縣稱病而還

質實

一統志云東岡在汝寧府城東南四十里即漢末周燮所隱之處

甲子 三年春正月班勇擊走匈奴田車師者西域復通

班勇至樓蘭以鄯善歸附特加三綬龜茲王白英乃率姑墨溫宿自縛詣勇因發其兵到車師前王庭擊走匈奴於伊和谷於是前集覽特加三綬綬佩印之部始復開通還屯田柳中組也謂兼三官累印

綬而服之也武帝時楊僕懷銀黃垂三組夸鄉里即此白英龜茲王之名姑墨西域國名治南北城與烏

孫接

質實

龜茲國名注見光武建武二十二年溫宿國名注見章帝章和元年

境

二月帝東巡三月還未入宮策收太尉震印綬遣歸故郡震自殺

樊豐等見楊震連諫不從無所顧忌遂詐作詔書調發司農錢穀大匠見徒材木各起冢舍園池震復上疏曰臣備台輔不能調和陰陽去年十二月四日京師地動其日戊辰三者皆土位在中宮此中臣近官持權用事之象也陛下以邊境未寧躬自菲薄宮殿垣屋傾倚枝柱而已而親近倖臣驕溢踰法唯陛下奮乾剛之德棄驕奢之臣以承皇天之戒震言轉切帝既不平而豐等憤怨會趙騰上書指陳得失帝發怒欲誅騰震救之曰殷周哲王小人怨詈則還自敬德乞全騰命以誘芻蕘與人之言帝不聽竟殺之及帝東巡太尉部掾高舒得豐等所詐下詔書具奏須行還上之豐等惶怖會太史言星變逆行遂共譖震

云自趙騰死後深懷怨懟且鄧氏故吏有恚恨心帝然之及還京師便臨太學即其夜遣使者策收震太尉印綬震於是柴門絕賓客豐等復惡之令耿寶奏震恚望有詔遣歸故郡至城西夕陽亭乃慷慨謂其諸子門人曰死者士之常分吾蒙恩居上司疾姦臣狡猾而不能誅惡嬖女傾亂而不能禁何面目復見日月身死之日以雜木為棺布單被裁足蓋形勿歸冢次勿設祭祀因飲酖而卒弘農太守移良留停震喪露棺道側謫震諸子代郵行書道路皆為隕涕太僕來歷曰耿寶傾側姦臣傷害忠良禍將至矣胡氏曰安帝三公無出震之右者然人臣以道事君合則留違則去震以三公之尊兩奏一乳媪而不能動宜去久矣至是極言遂取殺身之禍忠則忠矣然其燭理不明而處義不精亦不足稱也已

集覽

徒見

見形旬反徒供徭作者枝柱柱與柱通音冢庾反撐也小柱為枝邪柱為梧枝通作支案章帝本紀支柱

橋梁須行還上之須待也行下孟反待帝巡行回還
時上奏之柴門顏師古曰柴讀作寨字本作砦釋文
籬落也廣韻注山居以木柵憲望憲於避反恨也
望怨也乳媪安帝乳母王聖也媪烏浩反女老稱正
誤須行還今按行如字柴門今按
此謂塞斷其門不通出入也

書法

未入宮何急辭也帝之信讒果矣故特筆書
之是故書十二月晦殺魏其侯竇嬰所以志

武帝之忍書未入宮策收太尉震印綬所以志安帝之急

發明

楊震事昏庸之主不能見幾而作其死宜矣
雖然此為震言也若夫自漢朝言之則當時

清白忠正無出震右乃以諫諍忤嬖倖而死是時
安帝保愛羣狙如護心腹震雖欲納忠効節不可
得已綱目書帝還未入宮策收印綬所以見帝急
於殺震如此臨亂之君知有小人而不知有君子

惟恐嘉穀之害
稂莠也哀哉

夏四月閏中山崩質實

閏中縣名注見光武建武二年

○秋八月以耿

寶為大將軍○九月廢太子保為濟陰王

王聖江京樊豐等譖太子乳母王男厨監郤吉等殺之太子歎息京豐懼乃與閭后譏太子帝怒召公卿議廢太子耿寶等皆以為當廢太僕來歷與太常桓焉廷尉張皓議曰經說年未滿十五過惡不在其身且男吉之謀皇太子容有不知宜選忠良保傅輔以禮義廢置事重此誠聖恩所宜宿留不從遂廢太子為濟陰王居德陽殿西鐘下來歷乃要結光祿勳殺諷宗正劉偉將作大匠薛皓侍中閭丘弘陳光趙代施延太中大夫朱伉等十餘人俱詣鴻都門證太子無過帝使中常侍詔曰父子一體天性自然以義割

恩為天下也。歷諷等不識大典而共為謹譁。外見忠直而內希後福。朝廷廣開言路。故且一切假貸。若懷迷不決。當顯明刑書。皓先頓首曰：「固宜如明詔。」歷拂然廷詰。皓曰：「屬通諫何言而令復背之？」大臣乘朝車處國事。固得輾轉。若此乎？乃各稍自引起。歷獨守闕連日不肯去。尚書令陳忠劾奏。歷等乃免。歷兄弟官削國租。黜歷母武安公主。不得會見。歷歛之。曾孫也。

集覽 王男太子乳母之姓。名郗吉。姓名郗音丙。西鍾下句絕。偃丑良反。鴻都門三輔黃圖云：「漢門名靈帝本紀置鴻都門。學生注鴻都門名也。」於門內置學。屬通諫何言屬近也。通同也。謂近日相要結而同入進諫者所言如何而令乃違背前約。輾轉言其反覆也。詩關雎**正誤** 西鍾下今按西廂下懸鐘之所也。篇輾轉反側**正誤** 晉書項城府君謂賈克曰：「當使係嗣死於鐘簾之間。」及趙王倫亂。質實 來歷南陽新野克子謚走之。西鍾下就斬之。

陽人留侯良六世孫施延沛國蘄人武安縣名注見
周赧王五十二年廷尉官名注見武帝元狩二年

是月晦日食○地震大水雨雹

書法

帝即位至是十八年書地震二十有二書地
陷者一書地圻者一綱目書地震一百一而

帝居四之一焉終綱目千三百六
十二年地震之數無如安帝者矣

乙丑四年春二月帝南巡○三月朔日食

書法

安帝即位十九年書日食者十有三而一歲
再食者一食三朝者一食既者一東漢日食

之數無如
安帝者矣

○帝崩于葉還宮發喪

帝崩于乘輿皇后與閻顯兄弟江京樊豐等謀以濟陰王在內恐公卿立之乃偽云帝疾甚徙御卧車馳歸四日集覽葉式涉反縣名注見周赧王十七年乘至洛陽輿止曰行在也

書法

賀善贊曰安帝即位至發喪所書一百七十事耳為羌夷盜賊書者五十六為災變書者七十世道可知矣徒聞狎佞臣厚保母疾忠賢望其弭災靖亂尚可得乎

尊皇后曰皇太后太后臨朝以閻顯為車騎將軍儀同

三司迎北鄉侯懿入即位考異

以下漏舅字與寶憲同

考證

當加兄於

閻顯之上

太后欲久專國政貪立幼年與顯等定冊迎章帝孫濟北惠王子北鄉侯懿為嗣濟陰王以廢黜不得上殿親臨梓宮悲號不食集覽北鄉郡名在濟北地親內外羣僚莫不哀之臨梓宮去聲弔臨也顏師古曰衆哭曰臨梓宮天子之喪以梓木為之親身之棺也應劭風俗通曰哭而蒞喪曰臨宮者存日所居緣生事死因以為名

書法

綱目書尊皇后為皇太后多矣上必有書即位者也於是北鄉未立則孰尊之自尊也名

號正則可以臨朝矣終綱目不書即位書尊為皇太后者二而已是年桓帝永康元年皆臨朝

樊豐等下獄死耿寶自殺王聖伯榮徙鴈門

閭顯忌樊豐耿寶風有司奏貶寶為亭侯遣就國寶自殺豐及謝憚周廣下獄死聖母子徙鴈門而以弟

景等為鄉校並處
權要威福自由

書法

徒辭有四書徒某某廢某徒貶某徒
無罪之辭也書某徒者有罪之辭也

葬恭陵質實

一統志云恭陵在河南府城東南

○秋七月班勇擊斬車

師後王軍就及匈奴使者○冬十月越雋山崩質實

越雋

郡名注見武帝元鼎六年

○北鄉侯薨

閭顯白太后秘不發喪而更徵諸王子開宮門屯兵自守

書法

北鄉侯書即位無譏矣曷為止書北鄉侯薨不成乎君也其不成乎君何太后私也貪立

皇子辯正也其權而又不能以踰年故不成之也故

北鄉侯非正也未踰年而薨則稱侯綱目王侯書卒此其書薨何嘗即位也綱目自分王外書薨之例七非不成君廢帝廢后則諡為帝為后者也不然則帝母也公主有大功者也舍是無薨道矣唐會昌以後方鎮宰相有書薨者誤也

發明

北鄉既書即位而不書崩者不成乎君也不成乎君而書薨者既臨大寶異乎羣臣也此

輕重之權衡也

十一月地震○中黃門孫程等迎濟陰王保入即位誅

閻顯等遷太后於離宮封程等十九人為列侯考異當作

封宦者孫程等十九人為列侯

初北鄉侯病篤孫程等十九人謀立濟陰王至是夜
入省門遇江京劉安陳達斬之以李閏積為省內所
服脇與俱迎濟陰王即皇帝位時年十一召尚書令
以下從輦幸南宮登雲臺召公卿百僚使虎賁羽林
士屯南北宮諸門閭顯時在禁中憂迫不知所為小
黃門樊登勸顯以太后詔召越騎校尉馮詩將兵屯
平朔門且授之印曰能得濟陰王者封萬戶侯詩皆
許諾辭以衆少顯使與登迎吏士于門外詩因格殺
登歸營屯守顯弟景還外府收兵孫程傳召諸尚書
使收送廷尉獄即夜死明日遣使者入省奪得璽綬
乃收顯及其弟耀晏誅之家屬皆徙比景遷太后於
離宮又明日開門罷屯兵封程等皆為列侯是為十
九侯擢程為騎都尉初閭顯辟崔瑗為吏瑗以北鄉
侯立不以正知顯將敗欲說令收江京廢少帝而立
濟陰王而顯日沉醉不得見乃告長史陳禪欲與共
求見言之禪猶豫未聽從會顯敗瑗坐斥門生蘇祇

欲上書言狀瑗遽止之禪謂曰弟聽祇上書禪請為證瑗曰此譬猶兒妾屏語耳願勿復出口遂辭歸不

復應州

集覽

積為積久也素也幸南宮登雲臺南宮注見高帝五年雲臺在南宮明帝永平

三年圖畫中興功臣於雲臺即此虎賁羽林士虎賁注見新莽地皇二年羽林注見昭帝元鳳元年小黃

門注見武帝征和二年格殺登句絕相抱而殺之曰格登謂樊登傳召傳音株戀反釋名傳傳也轉轉相

傳而呼召之也比景縣名屬日南郡在南越地後為林邑所據晉九真太守灌邃討林邑其王范佛降乃

於其國五月五日立八尺之表日景在表南九寸一分故曰比景比當讀曰庇廕之庇景讀曰影如淳曰

日中於頭上景在已下故以名縣瑗坐斥為句崔瑗坐罪而被斥逐也弟聽祇上書弟與第通案酈食其

傳弟言之陳勝傳弟令毋斬爰盜傳君弟去並訓但也聽平聲從也

正誤

格殺登今按格本作珞擊

也集覽第九卷注云不用器械
而白手殺之此說蓋是後倣此
質實孫程涿郡新城人雲臺注見明

帝永平三年崔瑗安平人
駟之子陳禪巴郡安漢人

書法

西漢之篇書諸大臣迎立代王恒於是而書
中黃門迎濟陰王保入即位大臣之無謀可

責矣漢氏之將衰可悲矣故不書司空劉授策免
罪之也遷辭有二太后遷者善辭也遷太后者逆
辭也閻后譖廢太子其罪大矣其以逆辭書之何
非逆辭也罪辭也終綱目書遷太后于某宮六詳

秦初癸亥年惟漢閻

氏唐武氏為罪辭

發明

濟陰正位儲貳乃以無罪廢黜人神共憤閻
后貪立孩孺圖擅大權賴天誘其衷北鄉尋

殞大寶虛位故孫程等得以定謀迎立順帝由是
大統始得其正可謂幸矣然而漢治卒亦不振者

大策不出於廟堂而扶立實由於閭宦故也歐陽修贊唐史謂唐自穆宗以來八世而為宦官所立者七君其本始不正欲以正天下其可得乎順帝之立不幸類是雖有聰明睿智之資猶將制於近習而不得有為况又昏庸孱弱者乎書中黃門孫程等迎濟陰王入即位則漢氏之衰從可知矣有天下國家者可不監諸

葬北鄉侯

以諸王禮

司空劉授策免

以阿附惡逆舉非其人也

改葬故太尉楊震祠以中牢

詔以楊震二子為郎贈錢百萬以禮改葬葬日有大鳥高丈餘集震喪前郡以狀上帝感震忠直詔復以中牢具集覽中牢注見昭質實一統志云楊震墓在祠之帝元鳳元年西安府華陰縣東二

十五里震卒時有大鳥集喪前悲鳴葬畢始飛去

書法

葬臣不書此何以書嘉禮賢也綱目予存厚故詔許鄧騭還葬書改葬故太尉楊震書終

綱目臣書改葬二是年唐中宗神龍元年改葬上洛王韋玄貞宋路太后唐息隱王不與焉○祭臣


不書此何以書嘉禮賢也故樊豐敗而後祠楊震官官敗而後祭陳寶靈帝中平六年遼水敗而後祀魏徵唐太宗貞觀十九年祿山反而後祭九齡肅宗至德二載皆事後之思也終綱目書祭臣六

詳明帝永
平二年

御批資治通鑑綱目卷十下

謹案第十八頁前六行在河南府永寧縣北二十里即峭山也一名嶽峯山刊本二十訛六十據括地志改嶽峯訛嶺峯據雍錄改又按胡三省曰此峭谷當在陳倉縣界即今之大散關非弘農峭谷也此與集覽俱誤

第二十頁前六行永昌益州蜀郡夷叛按帝紀及
邛都夷傳此事皆在元初六年此係之五年恐
誤



總校官庶吉士臣張能照

校對官博士臣劉光第

謄錄舉人臣李逢泰